

HO HAPILWE TJHELETE YA BOLENG BO HAUFI HO R2 MILLION MANE BOEMAFOFANENG BA MATJHABA BA CAPE TOWN.

Cape Town, Moqebelo wa la 12 Motsheanong 2018 – Diofisiri tsa Bolaodi ba Meedi tsa SARS mane Boemafofaneng ba Matjhaba ba Cape Town di hapile tjhelete e kana ka \$156 850 (e ka bang R1 946 802) e neng e patilwe diphahlong tsa monna e mong wa Moafrikaborwa ya neng a leba Dubai.

Ka mora ho longwa tsebe ke diofisiri tsa Bolaodi ba Meedi tsa mane Boemafofaneng ba Matjhaba ba OR Tambo (ORTIA), monna enwa o ile a emiswa ke diofisiri tsa Bolaodi ba Meedi mmoho le ditho tsa Yuniti ya Dintja tsa Bofokisi ha a ne a le haufi le ho palama sefofane se lebang Dubai.

E nngwe ya ditntja tse fokisang e ile ya kgona ho fofonela diphahlo mme mokotla ona o ile wa bulwa le ho phenyekollwa. Diofisiri tsa Bolaodi ba Meedi di ile tsa fihlela dipakete tse 10 tsa tjhelete di patilwe hara diaparo.

Nyewe - ya ho hloleha ho tsebahatsa tjhelete nakong eo o tlohang ka hara naha - e ile fetisetswa ho SAPS bakeng sa diphuputso tse fetang mona.

“Jwalo ka karolo ya ditshebetso tsa rona tse momahaneng, ho mokolwa ho ka beng ho bile teng ha tjhelete ho ile ha thibelwa ka katleho ke diofisiri tsa rona,” ho rialo Ofisiri e ka Sehloohong ya Bolaodi ba Meedi, Teboho Mokoena. “Haufinyane tjena re hlokometse hore bapalami bao ka tlwaelo ba sebedisang ORTIA ho leka ho nkela tjhelete ka ntle ho naha, ba se ba qadile ho leka sena ka ho sebedisa madiboho a mang. Ke ka hona ho leng bohlokwa hore diyuniti tsohle tsa rona di sebetse mmoho ho thibela sena. Ke lakatsa ho tlotla tshebedisano e pakeng tsa dikarolo tse fapaneng ka hara Bolaodi ba Meedi e bakileng hore ho be le kgapo ena e atlehileng.”

Ho bona ditshwantsho, [tobetsa mona](#).